

Jesu e Le Tichere e Kholo



SABATHA THAPAMA

Bakeng sa Thuto ea Beke ena Bala:

Bahe. 1:1–4; 2 Bakor.4:1–6; Johanne1:14, 18; 14:1–14; Bafil. 2:1–11; 2 Bakor.5:16–21.

Temana ea Khopolo:

“Hobane Molimo o kileng oa re: leseli le hlahe lefifing, ke oona o bonesitseng lipelong tsa rona, ho hlalisa leseli la khanya ea tsebo e bonahalang ho Jesu Kreste.” (2 Bakorinthe4:6).

Billy Graham o pheta pale ea mohla a etsetseng masole moo a neng a sebetsa teng sepetelele tlasa boetapele ba bona. Lesole le leng le lemong tse tlase “le ne lele maqeba hona hoo le neng le paqame le shebisitse sefahleho fatše holima seile e behiloeng holima lempara le entsoeng ka tšepe.” Ngaka e ile ea hoehlelisa Graham, “ha ke khloe hore u sa tla tseba ho tsamaea.” Lesole le ile la bitsa mookameli: : “Mohlomphehi . . . ke u loanetse, empa haho mohla nkileng ka u bona, na nka bona sefahleho sa hau?” Eaba molaoli o oa tla, a inamela mona moo monna enoa a paqameng, a buoa le lesole. Ha Graham a ntse a shebeletse, keleli ea theoha leihlong la lesole ea rothela lerameng la molaoli.

Nakong ea ho tsoaloha ha Jesu, batho ba ne ba rapaletse ba le maqeba a rothang mali, ba hloka pholiso e tsoang ho Molimo. Ekare batho ba ne ba lla, “Oho Molimo, na re ka bona sefahleho sa hau?” Ha a romela mora hae lefatšeng lena, Ntate o rometse tichere e kholo e nang le thomo: ho bontša batho sefahleho sa hae. Ho tloha nakong eo, esale re e na le meleme e babatsehlang ea ho bona “tseba khanya ea Molimo o bonahalang ho Jesu Kreste” (2 Bakor.4:6).

Ha re shebella tichere e kholo ha e fetela lefatšeng, ke sefe seo e ka ithutang sona ho eena?

**Ithute Thuto ea Beke ena ho lokisetsa Sabatha sa, 31 Mphalane.*

Ho Senola Ntate

Lintlha tsa bohlokoa-hlokoa tseo moapostola a li etsang ka Jesu qalong ea Epistole ea Baheberu? (Bahe. 1:1–4).

Lingoli tsa Testaente e Ncha li atisa ho toboketsa ntlha ea bohlokoa: Jesu o tla lefatšeng ho bontša batho seo Ntate a leng sona. Nakong tse fetileng, tšenolo ea Molimo e tlile ka likotoana tse neng li tlisoa ke bapofeta; leha ho le joalo, ho Jesu, tšenolo ea ho qetela-qetela ea moshoelella e tlile. Hape, bothong ba hae, Jesu ke “lehlaseli la khanya ea hae” (Bahe. 1:3). Joloka batho ba baetsalibe, re ka se fumane khanya ea Molimo kaofela. Joaloka mora-Molimo ea tllileng nameng, Jesu o bontša khanya. E bontšoa ntle le puo bothong ba Jesu hore re e bone e be re utloisisa semelo sa Molimo hantle. Jesu O boetse ke “setšoantšo sa boleng ba oona” (Bahe. 1:3). Lentsoe le sebelisitsoeng mona, lentsoe la Segerike character, ka nako e ’ngoe le sebelisoa ho bontša seo setempe se se etsang pampiring. Ka hona, Jesu ke “setempe sa nnete sa Molimo” (Bahe. 1:3). Haeba re lakatsa ho tseba Ntate, re lokela ho mamela ka hloko seo tichere e kholo e se buoang ka eena. Hape re tlameha ho shebella tichere e kholo. Ntate o bonoa ho Mora.

Bapisa Baheberu 1:1–4 le 2 Bakorinthe 4:1–6. ho 2 Bakorinthe 4:1–6, Jesu ke mang, ke sefe seo re ithutang sona ho eena?

Ha ba ntse ba ruta batho ka Molimo, Paulosi le basebetsi ’moho ba ne ba sebeletsa ho bontša lithuto tsa Jesu ka Ntate. E le “setšoantšo sa Molimo” (2 Bakor.4:4), Jesu o re tliselitse tsebo ka Molimo Ntate. Ka mokhoa o tšoanang, Paulosi o qoba ntho tse khelosang tse lihelang ka Lentsoe la Molimo, ka hona, o petlenya ’nete ka ho hlaka (2 Bakor.4:2).

Joalokaha Molimo, tlhohong, a sebelisitse leseli ho leleka lefifi, o re file Mora oa hae, Jesu, ho leleka kutloisiso tsa leshanyo ka eena, le ho re bontša ’nete ka Molimo. Ke “sefahlehong sa Jesu moo re fumanang tsebo e hlakileng ka Molimo (2 Bakor.4:6).

Jesu o bontšitse Ntate hantle-tle, seo le rona re bitselitsoeng ho se etsa kaha re memeloa ho “ba baetsisi ba Molimo kaha re bana ba ratoang” (Baef. 5:1). See se bolelang, ’me ke sefe seo re ka ithutang sona ho Jesu malebana le kamoo re ka bang “baetsisi” ba Molimo?

Ho Senola Ntate (Ntšetsopele)

Selelekeleng se sisimosang maikutlo sa evangeli ea hae (Johanne1:1–18), Johanne o buoa ka Jesu e le “Lentsoe” la Molimo le hlolang ka ho sa feleng. Seo Johanne a reng Jesu o sona, h’a se etse ka ho tšaba kapa ho li khutlela; taba tsena li etsoa ka sebete e bile li pharaletse haholo. Jesu o bile teng pele lefatše le theoa, haele hantle—ho tloha bosafeleng. Haele hantle, Jesu ke setho sa tlholeho (Johanne1:2, 3). Ke “leseli la batho bohle” (Johanne1:4), ‘me joaloka Lentsoe le tlileng lefatšeng, o “bonesetsa batho bohle” (Johanne1:9).

Ho ea Johanne, sephetho sa Kreste ea fetohang motho ke sefe? E le Lentsoe, ke leseli lefe leo a le tlišitseng? O na le matla afe a ho etsa joalo? Johanne1:14, 18.

“Leseli le hlahlile nakong eo lefatše le neng le aparetsoe ke lefifi le letšo-letšo. . . . “Ho ne ho e na le tšepo e le ’ngoe feela bakeng sa batho . . . hore tsebo ea Molimo e khutlisetsoe lefatšeng. “Kreste o tlike ho khutlisetsa tsebo ena. O tlike ho tla lokisa tsebo ea leshano eo ba neng ba re ba tseba Molimo ba neng ba thetsitse batho ka eona. O tlike ho tla bontša tlhaho ea molao oa hae, ho hlahlisa botle ba Molimo ka semelo sa hae.”—Ellen G. White, *Education*, maq. 74-76. Sohle seo Jesu a se entseng lefatšeng lena se ne se e na le sepheo se le seng: “Tšenolo ea Molimo bakeng sa ho phahamisa batho.”—*Education*, leq. 82.

Jesu ka boeena o re, “‘Ea mponeng o bone Ntate’” (Johanne14:9). Jesu o ne a buoa taba ee neng kae? Hobaneng a ile a e buoa? Johanne14:1–14.

Motho o loana le qholotso ea ho makalla polelo ea Fillipi (Johanne14:8). Kamora lilemo-lemo tsa ho ba haufi le Jesu, o ntse a fosa taba ea bohlokoa ea Molimo o fetohileng motho—hore Jesu o tlike ho tla bontša semelo sa Ntate. Mohlomong litichere le kajeno li ka khothatsoa ke taba ena ea hore e mong oa barutoana ba tichere e kholo o feitse hampe feela! Polelo ea Fillipi leha ho le joalo e rekotilo, eseng hore re e nyatse, empa ho re fa monyetla oa hore re itlahllobe. Ke nako e kae re tsamaea le Jesu? Na re utloisisa Jesu betere ho feta fillipi? “‘Ea mponeng o bone Ntate.’”

Ho Bala Kelello ea Tichere e Kholo

Ngongoreho e pelong ea Paulosi ka Bakreste ba Fillipi ke efe nakong eo a ba ngolla? Bafil. 2:1–4; Bafil. 4:2, 3.

Bafilipi 2:1-11 ke e 'ngoe ea likha tse matla-matla ka Bibeleng. E buoa ka boteng ba Kreste pele a tsoaloe, Bomolimo ba hae, ho fetoha motho, botho ba hae, kamoo a amohelang lefu la hae sefapanong. E hlalosa leeto le le lelele leo Jesu A le nkileng ho theohela lefatšeng ho ea Golgotha (Bafil. 2:5–8). Hape e hlalosa kamoo Ntate a phahamisang Jesu hore a khumameloe ke lefatše lohle (Bafil. 2:9–11). Boholo ba 'nete e makatsang bo phuthetsoe litemaneng tsena.

Paulosi o lelekella Bafilipi 2:5–11 joang? Hara liketsahalo tsa bophelo ba Jesu tseo a li ketekelang, ke efe eo u nahanang hore o lebeletse hore e be efe eo balumel ba e bontsang maphelong a bona? Bafil. 2:6–11.

Paulosi o tšepa hore balumeli ba Fillipi, ba ka etsang khang, ba tla ithuta ho Jesu le ho etoha motho hoa hae. Haeba Jesu a ka nka sebopeo sa motho—“sebopeo sa mohlanka, ka ho iketsa ea tšoanang le batho” (Bafil. 2:7)—a ba A inehela ho thakhisoa, joale bona ba lokela ho ikokobeletsana ka lerato ha ka kang? Re hopotsoa hore ho na le tse ngata tseo re ka ithutang tsona ho tsoa tichereng e Kholo, Jesu. Re ithuta melaetseng eo a faneng ka eona nakong ea bosebeletsi ba hae lefatšeng. Re ithuta mehlolong eo a e entseng le kamoo a sebelisaneng le ba bang kateng. Re ka sebeletsa ho etsa likamano tsa rona le ba bang hore ho ea ka mohlala o moholo oa kamoo a tlohetseng khanya eohle ho tla sejelong (ke thuto e kaakang ho rona!)

Ho fapana le sena, lefatše le lutse le re bitsetsa ho iphahamisa, ho ikotla lifuba ka tseo re li fihletseng. Re ithuta thuto e fapaneng sejelong sa Bethlehema—mosebetsi oa Molimo o moholo oa thuto le pholoso o fihleloa ka ho ikokobeletsa Molimo le ho ba bahlanka ba ba bang, eseng ka ho iphahamEsa.

Le hona joale, ke maemo afe ao u tobaneng le oona, ao ha u ka ikokobetsa ho ka u fang monyetla o matla oa ho bontša Kreste ho ba bang?

Tichere e Kholo le Poelano

Likamano tsa batho hangata li senyeha kapele. Re fetoha lira. Motho eo ka nako e 'ngoe e neng e le motsoalle oa hlooho ea khomo u qetella u se u sa mo tšepe. Leha ho le joalo, likamano tse robهيلeng joalo li ka lokisoa. Ha seo se etsahala, re ellooa meeka ea poelano. Ana ke amang a maiphihlelo 'maloa a monate ao motho a ba bang le 'ona.

Ho fetoha motho hoa Molimo ke joang eleng mokokotlo oa poelano le mosebetsi oa hae e le Tichere e kholo? 2 Bakor.5:16–21.

Haeba re utloa re hlohonolofetse ha likamano le motsoalle li khutlela malulong, re tlameha ho nyakalla hakae ha likamano tsa rona le Molimo li boela malulong? Ho 2 Bakorinthe 5:16–21, Paulosi o hlakile ka hore na ke mang ea etsang poelano—Molimo Ntate o nkile tsoka-sephali ho tlamiseng likamano tsa rona le eena tse robهيلeng. 'me o entse mosebetsi oona “ka Kreste” (2 Bakor.5:18). “Molimo o no o le ho Kreste ha o busetsa lefatše ho eena (2 Bakor.5:19). Hape, ha rea lokela ho ba baji feela ba monate oa poelano. Re tlameha ho ithuta Tichereng e kholo. Ho fetoheng motho ha hae, Jesu o nkile karolo mosebetsing oa poelano. Ka hona, le rona, le memeloa ho nka karolo. Molimo o boelane le rona ka Kreste. 'Me kajeno, ka Paulosi, re fuoe “bosebeletsi ba poelano” (2 Bakor.5:18). Bakolose 1:15–20 ke e 'ngoe ea likha tse ntle Testamenteng e Ncha e buoang ka Molimo-motho hoa Kreste. Hangata ho nahanoa ke sefela, karolo ea pele ea serapa e buoa ka karolo ea Kreste tlhohlong (Bakol.1:15–17), ha karolo ea ho qetela e shebana le karolo ea Kreste topollong (Bakol.1:18–20). Ka bosebeletsi ba Kreste e le Mohloli-Mopholosi, Molimo o boelanya tsohle le eena. Mosebetsi oa poelano o fihleloang ke Molimo ke oa ka lefatše lohle, o ama “lintho tsohle khotsong ea Molimo ka eena, leha e le tse lefatšeng, le ha e le tse leholimong, ka hobane e le eena ea entseng khotso ka mali a hae” (Bakol.1:20). Leha re keke ra lekanya bophara ba ka lefatše lohle ba mosebetsi oa Tichere e kholo e le 'Moelanyi, re memeloa ho nka karolo “bosebeletsi ba poelano” ka hohle kamoo re ka etsang kateng (2 Bakor.5:18). Na see e ka ba se neng se le ka kelellong ea Jesu h'a ne a rapela, “joalokaha u nthomile lefatšeng, le 'na ke ba roma joalo” (Johanne17:18)?

Tsela tse tšoarehang tseo re ka bontšang karolo ea Molimo e le 'Moelanyi ke life? Ke hore, ke maamong afe ha ha joale (ebang a teng) u ka thusang batho ho boelana?

Barutoana ba Pele ba Tichere e Kholo

Nako e 'ngoe, ke sehlotšoana sa balisana ba lisitseng mohlatsoana oa bona ka ntle ho terotsoana e nyenyane. Ho sa le joalo, ke baamoheli ba pele ba taba tse monate, tse makatsang, tse bilikisang lefatše lohle tseo ba li fuoang ke lenyeloi. Ba khothalitsoe ke tlhaho ena, ba batlana le ngoana eo lengeloi le buileng ka eena.

Nahana u eme le balisna bana u shebile ka sejelong. U ne u ka bona eng? Luka 2:8–20.

Re tlameha ho rolela barutoana ba pele ba Tichere e kholo khaebana—Josefa le Maria le Balisana. Maemo a tlase a tsoalo ea Jesu ha a fane ka lehlaselinyana la hore ke Molimo-motho, hona hoo, leseeng lena leo eleng motho, Molimo o fetohile ntho e le 'ngoe le batho. Leha ho le joalo, ka thuso ea lipono, litoro, le manyeloi, barutoana bana ba hae ba pele ba atleha ho sheba ka nqane ho tse bononang malebana le tsoalo ea Jesu. Balisana ba arolelana seo lesea lena le leng sona le ba bang, hore ke “‘Moloki, Kreste Morena’” (Luka 2:11; bapisa le Luka 2:17).

Banna ba bohlae ba arabela litaba tsa tsoalo ea Jesu joang? Heroda eena o arabela jang? Matt. 2:1–12.

Pele a ka buoa setšoantšo sa hae sa pele kapa a etsa mohlolo oa pele, Tichere e kholo e lokeloa ke khumameloa ka baka la seo a leng sona. Ho ka ananela lithuto tse ileng tsa latela tsa bosebeletsi ba Jesu, re tlameha ho ba karolo ea barutoana bana ba pele, ba bohlae ba bochabela, khumamelong eo ba e etsetsang Tichere e kholo. Enoa eo re ratang lithuto tsa hae ha se tichere e bohlae feela. Ke Molimo o tlleng ho lula le batho. Thuto ea Bokreste e thomehile khumamelong ea Kreste. Re bitsetsoa ho khumamela Kreste, morena ea mocha ea tsoetsoeng—le ho bona bonnete ba Molimo.

Nahana ka se boleloang ka Molimo-motho malebana le semelo sa Molimo. Mohloli oa maholimo le lefatse, tse kholo hona hoo re sitoang ho lekanya—Molimo enoa “A ikokobetsa” ka ho tla bathong, A phela joalokaha Jesu a phetse, eaba o oa shoa sefapanong, a jarile kotlo ea libe tsa rona. Ke hobaneng ha see e le taba tse monate?

Tsepamisa Maikutlo:

Bala Ellen G. White, “The Teacher Sent From God,” maq. 73–83, ho *Education*. “Ticheng e rometsoeng ke Molimo, re fumana mosebetsi ohle oa thuto ea ’nete. Ka mosebetsi ona kajeno, hantle joaloka mosebetsi oo a o qalileng lilemong tse sekete le makholo a robeli tse fetileng, Mopholosi o buoa ka mantsoe ana— “‘Ke ’na oa pele le oa morao, ’me kea phela.’” “‘Ke ’Na alfa le omega, qalo le qetello.’” Tsenolo 1:17, 18; 21:6. “Botenng ba Tichere e joalo, ba monyetla o moholo hakaalo a thuto e halalaleng, ke bo oatla bo bo kakang ho batlana le thuto e fapaneng le ea hae—ho leka ho hlalefa ntle ho bohlaile; ho furalla ’nete ka tieo; ho batlana le khanya ntle ho Leseli, le ho batla boteng bo se nang bophelo; ho furalla seliba sa metsi a phelang, ho iketsetsoa mehotsoana e lutlang e ke keng ea tšela metsi hohang. “Bonang o ntse a hooa: ‘ekare ha e mong a nyoriloe, a tle ho ’na a noe. Ea lumelang ho ’Na, joalokaha Lengolo le chulo, ‘linoka tsa metsi a kollang li tla kolla mpeng ea hae’. ‘me metsi oa ’Na ke mo neang ona e tla ba ka ho eena seliba sa metsi a phallelang bophelong bo sa feleng.’ Johanne7:37, 38; 4:14, R.V.”—Ellen G. White, *Education*, p. 83. “Tichere e khabane, . . . “Ele boitukisetso bo holimo-limo ba mosebetsi oa hao, keu supisa mantsoeng, bophelong, mekhoeng, ea Khosi ea litichere. Ke u kopa ho mo nka. Ho eena u na le boleng ba sebele. Bo nke, lula ho bona, ho fihlela Moea oa tichere e Halalelang e nka taolo ea bophelo ba hau. “ ‘Ho bontša khanya ea Morena joaloka seipone,’ u tla fetoleloa ‘setsoantšong se tšoanang.’” 2 Bakorinthe 3:18. “Ona ke monyetla oa matla barutoaneng ba hau. Ba bontše.”—*Education*, leq. 282.

Lipotso tsa Lipuisano:

1. Ke boleng le liketso life tse tla ba bohlokoa litichereng tsa Bakreste le barutoaneng ba nkang taba ea ho ithuta ho ithuta thutong ea ho Molimo a fetohileng motho hoa tichere e kholo?
2. Batsoali le litichere tsa Bakreste li na le maemo a holimo-limo a lebeletsoeng ho bona—ho bontša semelo sa Molimo joalokaha se senotsoe ha Jesu a fetoha Molimo-Motho. Re lokela ho etang ha re sa fihlele maemo aa a holimo-limo?
3. Ka sehlopheng, buisanang ka potso e qetellong thutong ea Labone. Ke sefe seo tsoalo, bophelo, le lefu la Jesu li re rutang tsona ka semelo sa Molimo? Ke hobaneng ha see se lokela ho khothatsa hakaale ho rona, haholo-holo naong ea liteko tse kholo?